



Inatsisartunut ilaasortaq Ruth Heilmann, Siumut
MAANI

Kalaallit Nunaanni aalisarnermi nunani allamiut akuutinneqarnerat pillugu § 37 naapertorlugu Naalakkersuisunut apeqqummut nr. 2011-104-imut akissut

Inatsisartut suleriaasianni § 37 naapertorlugu Kalaallit Nunaanni avataasiarluni aalisarnermi nunani allamiut aalisartitseqatigiiffiisa pisassinneqartarnerat pillugu apeqquteqaateqarputit. Apeqquteqaat uanni akisassanngortinneqarpoq.

Naalakkersuisunut apeqqutit:

- 1: Arctic Prime Fisheries "HAKI" Savalimmiormiunnarnit pigineqalersimasoq Inatsisit suut naapertorlugit ukioq manna nunatta imartaani aalisagartassinneqarpa?
- 2: Aamma allanik nunatta avataani inissisimasunik aalisagartassiisoqarsimanerluni?
- 3: Ukioq manna aalisartortatsinnut saarullittassat nunguppata aalisartut pisasseqqinneqarsinnaanerit naatsorsuutigineqarsinnaanerluni?

Akissutit:

Apeqqummut 1-imut: Aallaqqaasiutigalugu erseqqissaatigissavara aalisarnermi akuersissuteqartarnermi pisassiisarnermilu naammassisassat piunasaqaatillu Naalakkersuisunit malinneqarmata. Piunasaqaatit Aalisarneq pillugu Inatsisartut inatsisaani nr. 18 31. oktober 1996-imeersumi § 6-imi allassimapput.

Ingerlatseqatigiiffik Arctic Prime Fisheries ApS nunatsinni aalisarnermi aatsaat akuulinngilaq. Ingerlatseqatigiiffik siusinnerusukkut Mikisoq Trawl ApS-imik ateqarsimavoq 2006-imilu pilersinneqarsimalluni. Ingerlatseqatigiiffik aallartikkami Norgip Savalimmiullu imartaani annikitsunik pisassinneqartarluni aalisartarsimavoq. Pisassiissutaasartut tassaapput nunat marluk akornanni isumaqatigiissutinik taaneqartartunik Kalaallit Nunaata Norgemik Savalimmiunillu isumaqatigiissutigisartagai aqqutigalugit tunniunneqartartut, tamatumalu kingorna ingerlatseqatigiiffik Kalaallit Nunaata imartaani saarullittassinneqartarpoq. 2006-ip kingorna ingerlatseqatigiiffiup piginnittui arlaleriarlutik allannngortarsimapput, taamaakkaluartoq ingerlatseqatigiiffiup manna tikillugu aalisarnermi inatsimmi § 6-imi piunasaqaatit naammassisinnaasarsimavai.

Eqqunngilaq oqassalluni ingerlatseqatigiiffik "savalimmiormiunit tamakkiisumik pigineqartoq". Ingerlatseqatigiiffiup piginneqatigiissortaasa 2/3-ii nunaqavissumit piginneqataassutigineqarput sinnerilu 1/3-it savalimmiormiumit pigineqarlutk. Tamakku aalisarnermut inatsimmi § 6 imm 3-mi kiisalu § 6-imi imm. 4 nr. 2-mi piunasaqaataasunut naapertuupput.

Apeqqummut 2-mut: Kalaallit Nunaanni aalisarnermik ingerlataqartut allat aamma nunanit allamiunit aalisarnermik ingerlataqartunit piginneqatataaffigineqarput, taakkutaaq aalisarnermi inatsimmi § 6-imi piunasaqaataasunik naammassinissimasuupput. Assersuutit taaneqarsinnaavoq East Greenland Codfish.

Apeqqummut 3-mut: Ilisimatitsissutigisinnaavara saarullittassat ukiup naalernerani nungussappata Naalakkersuisut amerlanerusunik pisassiissuteqalersaanngimmata. Taamaakkaluartoq isumaqatigisinnaavara aalisartut aningaasarsiorluarnissaminut pisariaqartitsinerat, Naalakkersuisullu aalisarnermik inuussutissarsuiteqartut

12. maj 2011
Sagsnr. 2011-049738
Dok. Nr. 627125

Postboks 269
3900 Nuuk
Tlf. (+299) 34 50 00
Fax (+299) 32 47 04
E-mail: apnn@nanoq.gl
www.nanoq.gl

pitsaasumik sinaakkutaqarlutik atugassaqartinneqarnissaanut soorunalumi peqataassapput. Tamannarpiarlu tunngavigalugu aalisarnermut inatsisip allanngortinneqarnissaanut siunnersuut Inatsisartut upernaakkut ataatsimiinneranni qanittukkut nammassineqartumi siullermeerlugu oqallisigineqarpoq. Oqallinnermi tassani aalisartut pitsaanagerusumik aningaasarsiorsinnaanissaat arlaleriarluni erseqqissaatigineqartarpoq.

Inussiarnersumik inuulluaqqusillunga

Ane Hansen